



Broj: 02-11-25786-5/21  
Zenica, 04.02.2022. godine

Na osnovu člana 68 stav 4) tačka i) i člana 70. stav 3. Zakona o javnim nabavkama («Službeni glasnik BiH», broj: 39/14), na prijedlog Službe kabineta Gradonačelnika, Gradonačelnik grada Zenica donosi:

### ***ODLUKU***

#### ***o izboru najpovoljnijeg ponuđača za izvođenje radova na regulaciji potoka Baretnjak u MZ Topčić polje – LOT 4***

Po provedenom otvorenom postupku za izvođenje radova na rekonstrukciji i investicionom održavanju vodoprivrednih objekata za potrebe Grada Zenica, za izvođenje radova na regulaciji potoka Baretnjak u MZ Topčić polje – LOT 4, broj: 1355-1-3-407-3-177/21 od 27.12.2021. godine i u Službenom glasniku broj: 1/22 od 07.01.2022, za najpovoljnijeg ponuđača izabrana je:

#### **Grupa ponuđača „ALMY“ d.o.o. Zenica i „ALMY-GRADNJA“ d.o.o. Zenica**

#### **O b r a z l o ž e n j e**

Po provedenom otvorenom postupku za izbor najpovoljnijeg ponuđača za izvođenje radova na regulaciji potoka Baretnjak u MZ Topčić polje – LOT 4, učestvovali su sljedeći ponuđači:

1. „ŠPIC BETON“ d.o.o. Zenica
2. „GRADNJA 1“ d.o.o. Tešanj
3. „AGI“ d.o.o. Konjic
4. Grupa ponuđača „ALMY“ d.o.o. Zenica i „ALMY-GRADNJA“ d.o.o. Zenica
5. „KOMGRAD-ZE“ d.o.o. Zenica

Ponuđač „AGI“ d.o.o. Konjic je u svojoj ponudi dostavio tri potvrde o uspješnoj realizaciji ugovora. Iz potvrde Privrednog društva riba Neretva d.d. Konjic, broj: 03-30/18 od 06.03.2018. godine, o uspješno realizovanom ugovoru, u vrijednosti od 1.544.103,89 KM, vidljivo je da su radovi izvedeni tokom 2016 godine. Tačkom 3.3. tenderske dokumentacije propisano je „Uspješno iskustvo, kao osnovnog ugovarača, u realizaciji najmanje 1 ugovora čija su karakter i kompleksnost isti ili slični onima koje se odnose na predmetnu nabavku u prethodnih 5 (pet) godina, čija vrijednost mora biti jednaka ili veća od procijenjene vrijednosti nabavke (cijeneći kumulativno vrijednost po LOT-ovima na koje se prijavljuje).“ S obzirom da su radovi izvedeni tokom 2016. godine, a što je više od pet godina, pomenuta potvrda ne može biti prihvaćena kao dokaz. Kumulativna vrijednost preostale dvije potvrde nije jednaka ili veća od procijenjene vrijednosti nabavke kako je zahtjevano tenderskom dokumentacijom, stoga se ponuda ponuđača odbacuje u skladu sa članom 68. Stav 4) tačka i) Zakona o javnim nabavkama.

Ostale ponude ispunjavaju zahtjeve iz tenderske dokumentacije.

Procijenjena vrijednost za LOT 4 predmetne nabavke iznosila je 128.200,00 KM bez PDV-a.

Ugovorni organ je izvršio izbor najpovoljnijeg ponuđača i to grupa ponuđača „ALMY“ d.o.o. Zenica i „ALMY-GRADNJA“ d.o.o. Zenica na osnovu bodovanja koje je izvršila Komisija formirana od strane Ugovornog organa, Rješenjem broj: 02-11-25786-1/21 od 20.12.2021. godine.



BOSNA I HERCEGOVINA  
FEDERACIJA BOSNE I HERCEGOVINE  
**GRAD ZENICA**

Procjena ponuda i rangiranje, dati su u Zapisniku Komisije, broj: 05-11-25786-10/21 od 25.01.2022. godine, Zapisniku II broj: 11-11-25786-11/21 od 01.02.2022. godine, Zapisniku III broj: 11-11-25786-12/21 od 03.02.2022. godine, a izvršeni su na osnovu Poslovnika o radu komisije, broj: 05-11-25786/21 od dana 21.12.2021. godine.

E-aukcija je održana dana 03.02.2022. godine sa početkom u 13:30 sati. Početna najniža ponuda bila je 127.022,18 KM. Na e-aukciji su učestvovala 4 ponuđača, pri čemu je cijena snižena 17 puta. E-aukcija je uspješno okončana u 14:06 sati, te su ponuđači bodovani kako slijedi:

R.B.	Naziv ponuđača	Cijena u KM bez PDV-a	Bodovi
1.	Grupa ponuđača „ALMY“ d.o.o. Zenica i „ALMY-GRADNJA“ d.o.o. Zenica (Vrandučka bb, 72 000 Zenica, ID: 4218557740007	113.600,00 KM	100
2.	„ŠPIC BETON“ d.o.o. Zenica	113.800,00 KM	99,82
3.	„KOMGRAD-ZE“ d.o.o. Zenica	123.872,00 KM	91,70
4.	„GRADNJA 1“ d.o.o. Tešanj	152.517,75 KM	74,48

Ponuđač koji je izabran kao najpovoljniji, dužan je u roku od 5 (pet) dana od prijema ove Odluke o izboru najpovoljnijeg ponuđača dostaviti dokumentaciju iz člana 45. Zakona o javnim nabavkama, kao što je navedeno u tački 3.4. tenderske dokumentacije.

Na osnovu izloženog, odlučeno je kao u dispozitivu.

**Pouka o pravnom lijeku**

Protiv ove Odluke može se izjaviti žalba Uredu za razmatranje žalbi, putem ugovornog organa: Grad Zenica, Služba kabineta Gradonačelnika, Trg BiH br. 6, 72000 Zenica, u roku od 10 (deset) dana od dana prijema Odluke. Žalba se podnosi u 3 (tri) primjerka, kako bi mogla biti uručena izabranom ponuđaču, Uredu za razmatranje žalbi i Ugovornom organu. Žalba se podnosi neposredno Ugovornom organu u pisanoj formi.

Dostavljeno:  
5 x Ponuđači,  
1 x Tenderska dokumentacija,  
1 x Služba kabineta Gradonačelnika  
1 x a/a



GRADONAČELNIK ZENICE

Fuad Kasumović